

眼科大全

二卷

審

視

原

本

秣陵傅仁宇先生纂輯
廣陵林長生先生較補

埽葉山房刊

眼科大全

一選前賢治驗醫案

一詳註脉訣看眼活法

一按運氣致病一百零八症

一編識病辨症總賦

一較原機啟微症治論

一採龍水銀海諸集合宜論

一定五輪八廓圖論

一寃金針宜撥内障症

一慎鈎割針烙川藥宜忌論

一升煉開瞽靈藥於

一備針灸內外眼要穴

一秘製點洗敷吹治驗諸方

審視瑤函序

成周建官三百六十而燮理奏功分寄醫師尹
副以逮上士下士職掌翌為明聽之司若是乎
耳目股肱之未敢輕畀也故其時分猷者或
肘腕鐵鏡以建勛考成者或胸貯金篦而宣
化至玉鉉鼎彝之權惟醫師與良相並峙猗
歟休哉補天煉石浴日調元詢久有天授焉匪
其人不得而遇也仁宇傳君以慈祥臆擅龍木

譽名聞諸侯惠濟蒼赤擴億丈大光明藏現
大醫王身而為說法一七神棲已足格紫霄而
騷烏龍已然且秉耒耨鞭救剷剷戩霏霧而耀明
旦刀圭之積功靡以加已式於家則見齋心敦善
茲茲戒修窺麗居士也式於閭則見瞿曇
植果香芬稱檀油許元度也式於都則見
儉惠良稷寒施緘續藹傳大士也而矧婆
心慳熱佛手療人令昏瞶顛危者仰撫摩

而躋春臺也余曷能更僕我已已余病目
謫歸借憇秣陵編坊長桑而不得其人也
閱弥月獲覲傅君授余上池而霍然蘓豁然
瞭也因喟然嘉歎久之豈葛仙搗藥烏猶作
丁、杵春聲將醉卧紫金林頭拉伯陽參同
漱煉一洗羊豕狗鼠廊輪波渤為窟鬼夜
魔踢開許大寶月輪金光藏醞酣甘露洒須
弥峰頂自在王座者抑傅君之謂歟而君尚

遂、謝勿敏也。老氏云：予惟不矜，故能與天下同功。顏氏子云：無伐善，無施勞。君其功圓果滿，按宅冲舉，當不在馬自然。徐秋天下而且弓，治繩武作述一家。嗣君惟藩館甥，文凱隸職院僚，折髓洞筋，咸願雷接。武彬、王謝門風，雅稱烏衣子弟。武二君仰體家鉢，彙筭中審視瑤函，日批月錄，將命剗剗氏而壽諸梨棗焉。乞予一言以公為鴻寶。余見二君青出於藍，式穀其似行且列。

鵷鷺班奉仁宇之家珍以佐保御而育羣黎
異日謨明弼亮分寄耳目股肱燮揆陰陽不惟
為

朝家慶得人而俾登為明聽者咸資咸沃而垂
霖澍焉余當誦周官而上考成也傳君以為然
用弁之簡端 省

宗禎甲申嘉平穀旦

賜進士第通議大夫資治尹吏部左侍郎兼翰

林院侍讀學士

纂修會典同知

經筵日講官

通家侍生陳盟頓首拜

凡例

一目受五臟六腑之精華若日月麗天而不可掩若陰左陽涵光毓采吐桑浴淵腠腧迭行坎離失度霾瞽錯經燮理不齊民病爲殃人開卷了然至於五臟主病五行附麗五音分導五方風氣浸淫爲厲各有專司安事拼贅是函授自烈祖奕葉鑽研經歷三十餘載復訪名公宗匠講究印可廣講藏書禁方芟繁輯簡間有立論堪採而主方雷同有單方擅譽而症候不明者添煩雖工效輦知陋槩不敢載

一五輪八廓各分攸司象形取義腑臟司署碁分星布

間不容髮俗僅得其皮毛茲盡蒐其闕奧按經辨病
補瀉得宜先巡輪廓之變隨察受病之源主客逆順
毫釐千里關謬辨誤亥豕晰分庶逃覽者可按圖而
索駿施治者不致罔象而探驪爾

一 歷來醫案自漢華元化獨振元首倪仲賢集金玉大
成以及四大家龍木論若七十二家各樹幟壇坫
迭奏宮商抑稱鈞天異響哉然有效臻獨得而瑕不
言疵理由剏獲而迥別青黃者出朱入墨鵠鶩難分
不載

一 治法分門迥若雲泥陰陽變換具有權衡不察司天

無以辨六氣五運之極不驗經絡無以審內外三因之候不叅奇經無以證七情六淫之氣虎訣雖存鵠眸難別是函翼經宣化循法審因取原機啟微爲鵠輔以諸家鴻論證驗天行贊理時氣綱領條目珠聯繡錯庶迎刃以解八穀而中爾備載

一用藥寒熱猶用兵虛實確有主見非空拳射覆隔靴搔癢者比也灼其受病於某經主症於某絡病因於某部感觸於某候宜溫宜涼內外表裏一以貫之若不揣其本而治其末宜熱而反以寒沃之宜寒而反以熱熾之刀圭逆施攻砭倒置鮮不旋踵而滋之殃

者可不慎哉

一湯劑丸散藥味用雖不同而治法亦異有宜丸者宜散者宜水漬者宜膏煎者亦有一物兼宜者亦有不
可入湯酒者並隨藥性湯者盪也去大病用之散者
散也去急病用之丸者緩也不能速去之舒緩而治
之也丸散分兩可多可少若剉爲劑必須十錢至八
錢以爲中正羸弱者五六錢爲劑壯盛者必須兩餘
方得其效少則藥力不足多則不勝藥勢

一製法必須極工用藥料須擇道地若不揀擇精良以
僞抵真徒費工力何能取効如炮煨者以整藥入於

灰火中或用麵裹濕紙重裹炮令藥上有烈紋者方
熟附子南星豆蔻之類是也炙者以整藥塗蜜或姜
汁酥油童便酒漿等物塗浸於藥上用炭火炙令香
熟得宜黃芪厚朴甘草皂莢龜板鱉甲之類是也煨
者以整藥入在炭火中穩定燒熟爲度牡蠣石決明
石膏蘆甘磁石之類或用水醋童便淬飛是也焙者
以綿紙隔藥火烘令香脆天麥門冬葶藶石棗之類
是也炒者以銀鍋砂鍋內炒令香脆得宜勿令焦枯
過失藥性若煉蜜者每一斤只煉十二兩五錢爲定
火少火過並不相宜

一開導猶鏡面拭塵而金底抽薪也寶鏡玄機陽秋鍊
鏡不啻家諭而戶曉之至撥雲覩日掃霾見天稱能
手者則罕觀焉是函本自家鉢珍踰百朋蓋垂掌而
味溢黃芽凝眸而香霏絳雪者匍匐經年俄頃建績
匪侈口乳石而烹烏煉兔者類也宜載

一古人治目凡藥力遲緩不能急速取効者則用針刺
以濟其急然醫者必須熟明經絡症的穴真無不應
手取効但今人去古已遠一聞針灸心懷怯懼是以
醫心懈怠鮮工於此耳孰知其取効敏捷大起沉疴
善用之者靡不有驗其治疾也豈曰小補云爾哉

一著篇立論汗牛充棟非炫名以逐羶則市惠而弋利
求卮言之中乎窾而灼見筋膜者蓋什未有一矣是
函堅白孤鳴而理必晰於粹精按經攷古而症不遺
乎險怪列部分門鑽骨析髓審輪定廓察色觀形開
卷瞭然灼如觀炬較目寶論益詳散金碎玉篇愈著
令見者洞心而鑿壁分光焉或亦持顛扶危之一助
云爾備載

一立方施症研古敲今歷有成諭匪臆造測度漫焉嘗
試者同也昔人載一百六十症則失之濫上古著七
十二症則失之簡是函摘要刪繁纖鉅各當定爲一

百有八症啟蒙牖瞖開豁茅塞務合陰陽之縷晰標
本之攸分內外表裏之條貫虛實逆順之各殊鑒形
辨色以驗其因按候察部以鏡其要若夫智圓行方
化裁酌量活活潑潑時措咸宜我不執方方必符症
症自合方隨方隨效神而明之存乎其人不遇其人
方不虛傳高遠之士盍請鑒諸

復慧子維藩氏識

傅氏眼科審視瑤函總目

卷之

凡例十二條

前賢醫案

五臟所司兼五行所屬

動功六字延壽訣

太極陰陽動靜致病例

五輪定位之圖

八廓定位之圖

五輪歌括

五臟主病

八廓歌括

八廓主病

臟腑表裏三陰三陽輪廓貫通

五運之圖

六氣之圖

逐年六氣總論

已上俱載首冊